



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Capitulare tertium anni DCCCVI. sive capitula quae Mißi cognita facere
debent in omnes partes.

urn:nbn:de:hbz:466:1-19366

6. De his qui in Ecclesia manumissi sunt.
7. De his qui per chartam ingenuitatis dimissi sunt liberi.

8. Vt Clericum alienum nemo recipiat sine consensu Episcopi sui.

INCIPIUNT SVPRASCRIPTA CAPITVLA ET EORVM TEXTVS.

De banno Regis inrupto componendo.

De his qui in Ecclesia manumissi sunt.

I. **V**T bannum ipsius quislibet intruperit, componere debeat.
De tuitione Ecclesie, viduarum, orphanorum, & minus potentum.

II. Vt Ecclesia, vidue, orphani, vel minus potentes pacem rectam habeant. Et ubicunque fuerit infracta, sexaginta solidis componatur.

De raptu & violentia & incendio infra patriam factis.

III. Vt raptum vel vis per collectam hominum & incendia infra patriam nemo facere presumat. Et qui hoc commiserit, sexaginta solidos in bannum nostrum componat.

De manitione in hostem.

IV. Similiter & qui iustionem regiam in hoste bannitus intruperit.

De compositione hominis denariatis.

V. De denariabilibus, ut si quis eos occiderit, Regi componantur.

VI. Similiter de his qui per chartam in Ecclesia juxta altare dimissi sunt liberi, cum quadraginta solidis Regi componantur.

De his qui per chartam ingenuitatis dimissi sunt liberi.

VII. Qui vero per chartam ingenuitatis dimissi sunt liberi, ubi nullum patrocinium & defensionem non elegerint, similiter Regi componantur cum quadraginta solidis.

Vt Clericum alienum nemo recipiat sine consensu Episcopi sui.

VIII. Vt Clericum nemo recipere audeat sine consensu Episcopi sui. Et si eum aliquis acceptum habet, quando licentia ipsius Episcopi fuerit, aliter non faciat, nisi eum ejus presentie perferendum, si dignus fuerit, deducat.

Hæc octo capitula in assiduitate. Reliqua autem reservata sunt Regibus, ut ipsi potestatem habeant nominativè demandare unde exire debent.

CAPITVLARE TERTIVM
ANNI DCCCVI.

Hæc capitula nostra Missi nostri cognita faciant omnibus in omnes partes.

INCIPIUNT CAPITVLA.

1. **D**E armis non portandis.

2. De latronibus.

3. De animalibus vel aliis rebus, à quibus emanantur.

4. De adventitiis.

5. Item de adventitiis & fugitivis.

6. De istis capitulis ad Missos transfutendis.



INCIPIUNT

INCIPIUNT SVPRASCRIPTA CAPITVLA ET EORVM TEXTVS.

III. 22. I. *De armis non portandis.*
Vt nullus ad mallum vel ad placitum infra patriam arma, id est, scutum & lanceam portet.

De latronibus.
II. De latronibus, quicumque post Missam sancti Iohannis latroni mansionem dederit, si Francus est, cum duodecim similibus Francis juret quod latronem eum fuisse non scisset, licet pater ejus sit aut frater vel propinquus. Si hoc jurare non poterit, & ab aliquo convictus fuerit quod latronem in hospitio suscepisset, quasi latro & infidelis judicetur, quia latro, infidelis est noster & Francorum; & qui illum suscipit, similis est illi. Si autem audivit quod latro fuisset, & tamen nescit profirmiter, aut solus juret quod nunquam eum audisset nec per veritatem nec per mendacium latronem esse; aut sit paratus, si de illo latrocinio postea victus fuerit, ut similiter damnetur.

De animalibus vel aliis rebus, à quibus emanant.
III. Vt nullus comparet caballum, bovem, & jumentum, vel alia, nisi illum hominem cognoscat qui eum vendidit, aut de quo pago est, vel ubi manet, aut quis est ejus senior.

De adventitiis.
IV. De adventitiis, ut cum Missi nostri ad placitum nostrum venerint, habeant scriptum quanti adventitij sunt in illorum missatico, & de quo pago sunt, & nomina eorum, & qui sunt seniores eorum.

Item de adventitiis & fugitivis.
V. Similiter direximus Missos in Aquitaniam & in Longobardiam, ut omnes fugitivos & adventitios ad nostrum placitum adducant.

De istis capitulis ad Missos transmittendis.
VI. Quicumque ista capitula habet, ad alios Missos ea transmittat qui non habent, ut nulla excusatio de ignorantia fiat.

CAPITVLARE QVARTVM ANNI DCCCVI.

Et haec Missi nostri ante nativitatem Domini omnibus cognita faciant.

INCIPIUNT CAPITVLA.

1. *De justitiis Ecclesiarum.*
2. *De potestate Episcoporum.*
3. *Vt viduae, orphani, & minus potentes habeant defensionem Imperatoris.*
4. *De concordia Episcoporum & Comitum.*
5. *De latronibus, homicidis, adulteris, & incestuosis.*
6. *De rebus propriis.*
7. *De eo qui dixerit quod ei justè non judicetur.*
8. *Quas justitias Missi ad presens faciant. Et de marcha custodienda.*

INCIPIUNT SVPRASCRIPTA CAPITVLA ET EORVM TEXTVS.

De justitiis Ecclesiarum.

VL. 145. I. IN primis omnium jubendum est ut habeant Ecclesiae earum justitias, tam in vita illorum qui habitant in ipsis Ecclesiis, quamque in pecuniis & substantiis eorum.

De potestate Episcoporum.
Ibid. 146. II. Vt omnes Episcopi potestativè secundum regulam canonicam doceant, & regant eorum ministeria, tam in monasteriis virorum quam puellarum, vel in Tom. I.

forensibus Presbyteris, seu reliquo populo Dei.

Vt viduae, orphani, & minus potentes habeant defensionem Imperatoris.

III. Vt viduae & orphani & minus potentes sub Dei defensione & nostro mundeburdo pacem habeant, & eorum justitias adquirant.

De concordia Episcoporum & Comitum.

IV. Episcopi cum Comitibus stent, & Comites cum Episcopis, ut uterque pleniter suum ministerium peragere possit.

Ff